

十六國疆域志

四



十六國疆域志

(四)

洪亮吉撰

十六國疆域志卷七

前涼

涼州。

河州。

沙州。

定州。

商州。

秦州。

涼州。漢置。晉書地理志。永寧中。張軌爲涼州刺史。鎮武威。是時中原淪沒。元帝徙居江左。軌乃控據河西。稱晉正朔。是爲前涼。張駿分武威、武興、西平、張掖、酒泉、建康、西郡、湟河、晉興、須武、合十一郡實止十郡爲涼州。元和郡縣志。張天錫又分置廣源郡。凡統舊郡五。增置郡六。縣四十二。晉書。成帝咸康五年。張駿以世子重華行涼州事。海西公太和二年。苻堅將王猛寇涼州。張天錫距之。猛師敗績。孝武太元二年。苻堅將苟萇陷涼州。虜張天錫。盡有其地。

武威郡。漢置。晉志。統縣九。前涼又分置武興郡。凡領縣九。晉書。軌。武威太守張璠。張駿。駿。武威太守竇濤。天錫。武威太守索泮。

姑臧。漢舊縣。晉書。張茂。姑臧令辛巖。咸和初。徙隴西南安人二千餘家于此。有臥龍城。崔鴻。前涼錄。二年。軌。大城姑臧。其城本匈奴所築。南北七里。東西三里。地有龍形。故名臥龍城。張軌傳。茂復大城姑臧。藝文類聚。稱王隱。晉書。作南北七十里。東西三十里。案兩十字蓋衍。又水經注。稱王隱。晉書云。漢末博士敦煌侯瑾。善內學。語弟子曰。涼州城西泉水當竭。有雙闕起其上。至魏嘉平中。武威太守條茂。起學舍。築闕于此。泉太守填水造起門樓。與學闕相望。禹貢山水澤地記。街衢相通二十二門。南宮。張駿緒。永訓宮。重華尊其母嚴氏爲太。永壽宮。重華尊所生母馬氏爲。謙光殿。駿于姑臧城南築城。起起一殿。東曰宜陽青殿。南曰朱陽赤殿。西曰政刑白殿。北曰玄武黑殿。其旁皆有直省內官署寺。一。同方色。前涼錄。祚。僧即王位于謙光殿。祚和平二年。有神降于玄武殿。自稱曰玄冥。與人交語。正德殿。前涼錄。駿薨。平章殿。同上。重華薨。辟雍明堂。同上。駿立辟雍明堂。閑豫堂。駿。謙羣臣于賓遐。觀。前涼錄。鄧善王元禮。獻女殊好。天龜觀。玄觀時。右將軍宋熙。請取號曰美人。立賓遐觀以處之。天龜觀。玄觀。以爲宅。不許。神雀觀。前涼錄。宋混至姑臧。祚登神雀觀。飛鸞觀。太平御覽。稱前涼錄。祚與嚴展吳純升。靈鈞臺。茂所築。周輪八十餘。萬秋閣。前涼錄。祚爲趙長所士徐里。講武場。水經注。又增築四城。箱各千步。東城植園果。名曰講武場。北城植園果。名曰玄玄。所殺。講武場。武園。皆有宮殿。中城內作四時宮。隨節遊幸。并舊城爲五。御覽引王隱。晉書同。玄武園。見上。閑豫池。閑豫堂前有閑豫池。池有五龍畫見。移時乃滅。靈泉池。太平寰宇記。稱十六國春秋。張玄觀五年。有大鳥城。西雙闕起處。泉源陡發。西昌門。天錫時。西昌門。平章殿。東苑。前涼錄。祚遣陽秋胡將靈曜于重導于斯。故有靈淵之名也。西昌門。皆無故而崩。旬日而國亡。東苑。前涼錄。拉其腰而殺之。天錫三年。東苑銅。西苑。同上。天錫三年。天梯山。京兆人劉弘。挾左道。北山。前涼錄。天錫姑臧。石頭。茂。劉曜。佛生光。西苑。西苑牝鹿生角。

出次于石頭。胡三省云：石頭在姑臧城東。洪池。天錫遣將軍章據、帥衆三萬，軍于洪池。曲柳。永和三三年，石虎又使其將石

祖厲。漢舊縣元和郡縣志：前涼張軌收其縣人于涼州，故武威縣側近別置有萬斛堆。晉書：秦始六年，鮮卑樹機能叛秦州，刺史胡烈討之，至萬斛堆被殺。

宣威漢舊縣

摺次漢舊縣有嘉泉。駿時有黃龍見于摺次之嘉泉。

倉松漢舊縣晉書天錫討羌廉岐自率三萬人次倉松有鸞鳥城。太平寰宇記：前涼張軌時有五色鳥集于此，遂築城。金昌城。

晉太元初，堅遣將苟萇、梁熙等伐涼，至纏縮城，張天錫率衆軍于洪池，自將衆軍于金昌城，太平寰宇記：倉松縣有金昌。

顯美漢舊縣

驪軒漢舊縣

鷓陰漢舊縣地形志後漢屬武威晉罷後復屬

番禾漢舊縣有恩宿。前涼錄：苻堅建元十二年，苟萇伐涼，遣別將馬暉、杜周、帥騎西出恩宿，邀張天錫走路。

武興郡晉志永寧中張軌分武威郡又合秦雍二州流人于西北置張軌傳中州民避難來者日月相繼分武威置武興郡以居之張茂時分屬定州張駿時仍屬涼州領縣八晉書駿武興太守辛巖

武興。元和郡縣志。本漢鸞鳥縣。張天錫改今名。晉書張軌傳。謝艾軍次神鳥。案此縣。樂史云。後魏改爲神鳥。疑此傳由後書也。又樂史云。鸞鳥城後亦改爲神鳥城。或係艾次軍之處。

大城。

焉支。

襄武。

晏然。

新鄯。

平狄。

司監。

西平郡。漢置。晉書軌封西平郡公。西平王叔與曹祛餘黨麴儒等。劫前福祿令麴恪爲主。執太守趙彝。東應秦州刺史斐苞。張寔討斬之。西平人衛琳據郡叛。張瓘等討敗之。咸康五年。晉詔以陳寓爲西平相。天錫十年七月。大水地震。西平五十日中。地十動。土樓山崩。領縣四。晉書軌西平太守曹祛。宗醜駿。西平相陳寓。天錫西平相趙疑。有土樓山。見上黃阪。曹祛遣麴晃距張寔于黃阪。邯川戌。元和郡縣志。米川縣。前涼張天錫于此置邯川戌。

西郡。魏舊縣。

臨羌。漢舊縣。前涼錄。永嘉四年十一月。黃龍出于臨羌。河發水升天。長十餘丈。
長寧。晉志有張軌傳。軌別遣田迴等。率騎自姑臧西南出石驢。據長寧。討曹祛。

安夷。漢舊縣。

晉興郡。晉志。永寧中。軌又分西平界置。領縣九。張軌傳。麻秋遣王堪。略地晉興廣武。天錫晉興相常璩。彭知正。晉興太守彭和。

晉興。晉志。與郡俱立。下永固等縣竝同。有沙阜。前涼別將楊阜。敗趙將劉寧于沙阜。寧退屯金城。

枹罕。漢舊縣。屬隴西郡。晉書。明帝太寧二年。涼州別駕辛晏。阻兵于枹罕。三年。辛晏以枹罕降駿。

復收河南之地。成帝咸和二年。晏與金城太守張閭降劉胤。復失河南地。五年。駿因後趙亡。

復收河南之地。至于狄道。穆帝永和三年。石虎遣將石寧。麻秋等。伐涼州。次于曲柳。張重華。

使將軍牛旋禦之。退守枹罕。簡文帝咸安元年。前秦王猛。破天錫于枹罕。張軌傳。劉曜攻枹

罕。護軍辛晏告急。駿使韓璞等救之。石虎將麻秋進攻枹罕。麻秋又自大夏進據枹罕。祚宗。

人張瓘鎮枹罕。祚惡其強。遣將易揣等襲之。又遣張掖太守索孚代瓘鎮。爲瓘所殺。太平御

覽稱前涼錄。永嘉五年。枹罕令嚴羌。有內城外城。永和三年。石虎將麻秋。進攻枹罕。晉昌太守耶坦。以城大難守。欲棄外城。武威太守張俊止

之。赤岸。天錫遣司兵趙充等。拒秦兵于赤岸。爲所破。水經注。河水自左南而東。逕赤岸北。亦謂之河夾岸。秦州記云。枹罕有河夾岸。

永固。漢白石縣。太平寰宇記。前涼張駿八年。改爲永固縣。案張軌置晉興郡時。已有此縣。樂史以

爲駿置似誤。有治城。圖經。晉時前涼張氏所置。

臨津。

臨漳。

廣昌。

遂興。

罕唐。

左南。張軌傳。張瑁從左南渡河。襲麻秋軍。後秋乃退。天錫討羌廉岐。使常璩向左南。一統志。晉永

嘉中。張軌置。屬晉興郡。圖經稱十三州志。河水逕其南。故曰左南。

廣源郡。元和郡縣志。張天錫分興晉西平二郡置。

縣無攷。

張掖郡。漢置。前涼領縣四。張軌傳。祚張掖太守索孚。有東山。晉書隱逸傳。郭荷上疏乞還祚許之。送還張掖之東山。

永平。元和郡縣志。本漢麟得縣。屬張掖郡。晉改名永平。

臨澤。漢昭武縣。晉志避景帝諱改。

屋蘭漢舊縣

氏池漢舊縣有大柳谷

符瑞志晉泰始三年有司奏張掖太守焦勝言氏池縣大柳谷口青龍見

酒泉郡漢置張軌傳酒泉太守張鎮潛引秦州刺史賈龔代軌不果駿酒泉太守馬岌重華酒泉太守謝艾玄靚酒泉太守馬基領縣七

福祿漢舊縣張軌傳福祿令麴恪又張寔封福祿縣侯重華封謝艾爲福祿伯進封縣伯太平御

覽稱前涼錄福祿令汜禕太平寰宇記稱河西舊事福祿城因謝艾所築有南山

前涼錄駿用太守馬岌

言酒泉南山卽昆侖之體駿于此立西王母祠祚伐驪軒戎于南山大敗而還太平御覽稱王隱晉書宋纖隱于酒泉南山

石室

同上馬岌言南山有石室王母堂珠璣鑲飾煥若神宮卽此

赤崖閣

晉書隱逸傳郭瑤還酒泉南山赤崖閣飲氣而卒

會水漢舊縣

安彌漢舊縣

駢馬晉志有

表氏漢舊縣

延壽漢舊縣

玉門漢舊縣前涼錄建興十九年駿敗于建西踰玉門太平御覽稱前涼錄云九月改玉門縣爲

金澤縣。天錫封祚子廷堅爲金澤侯。案前涼錄。又稱張駿田于建西礪石縣。又改礪石爲金澤。未知誰是。今姑從前一說。至金澤之移屬張掖。當是後涼始也。

建康郡。案郡蓋張氏置。圖經。領縣一。張駿置建康郡。屬涼州。

樂浪。漢舊縣。胡三省云。本屬酒泉郡。張氏分屬建康郡。

西郡。漢置。前涼領縣五。晉書索泮傳。天錫時。爲西郡敦煌太守。前涼錄。呂光東還西郡。太守索泮城守不下。光攻殺之。

日勒。漢舊縣。

刪丹。漢舊縣。

蘭池。張軌傳。寔蘭池長趙爽。上軍士張冰所得璽。太平寰宇記。晉分刪丹。立蘭池萬歲仙提三縣。

有青澗水。前涼錄。趙爽于青澗水中得玉璽。

萬歲。

仙提。

須武郡。案郡蓋張氏置。

縣無攷。

湟河郡。前涼錄。咸康元年。張駿分湟河郡屬涼州。案郡蓋亦張氏所置。輿地廣記。前涼置湟河郡。

縣無攷

河州。晉志。張駿分興晉、金城、武始、南安、永晉、大夏、武城、漢中、八郡爲河州。張軌傳。駿分涼州東界六郡置河州。以張瓘爲刺史。元和郡縣志。張駿二十一年。以州界遼遠。分置河州。以禹貢導河積石。至于龍門。積石在州界。故曰河州。案志言八郡。傳言六郡。蓋據建州之始。言止有六郡。又法苑珠林。言張祚時河州刺史張瓘。疑卽瓘字之誤。凡統舊郡三。增置郡五。縣可攷者十八。

興晉郡。元和郡縣志。永嘉末。張軌分金城郡置。又云。晉惠帝立枹罕護軍。前涼張軌。保據涼州。立爲興晉郡。

縣無攷

金城郡。漢置。張軌傳。軌金城太守胡勖叛。遣宋毅等討降之。寔金城太守竇濤。駿金城太守張閼。韓璞遣辛巖督運于金城。重華金城太守張冲。降于麻秋。天錫討羌廉岐。以別駕楊通爲監前鋒軍事。前將軍趣金城。領縣六。有破羌故縣。張寔與曹祛戰于破羌。斬祛。

允吾。漢舊縣。有河會城。

涼驍烈將軍梁濟。于河會城降苻秦。水經注。湟河至允吾。與大河會。河會城蓋在二河之會也。清石津。

秦梁熙等。濟自清石津。胡三省云。五代志。有青

巖山。意青石津在青巖山之下。

金城漢舊縣元和郡縣志前涼張寔徙郡理此晉書車濟傳張重華以爲金城令麻秋克金城濟

伏劍死有長最

石虎使孫伏都等會麻秋軍長騎濟河擊張重華遂城長最胡三省云長最地名在金城河北

石城津

苻堅使苟萇等伐涼濟自石城津水經注稱關關曰

石城津在金城西北

榆中

允街

白土漢舊縣張軌傳天錫討羌廉岐遣遊擊將軍張統出白土

浩亶漢舊縣張軌傳寔討曹祛詭道出浩亶戰于破羌斬祛及牙門田囂

武始郡晉志張駿以狄道縣置地形志晉分隴西置案通典又云張寔分隴西置未知何據太平寰宇記云張駿分廣武置領

縣一有武始大澤

前涼錄宋混次子武始大澤爲靈曜發哀胡三省云在姑臧之西

狄道漢舊縣地形志晉屬隴西晉書駿遣竇濤等東會韓璞攻討秦州諸郡劉曜遣將劉胤來拒

屯于狄道石勒殺劉曜駿因長安亂復收河南地至于狄道案元和郡縣志晉改狄道爲武

始縣今攷晉蓋于狄道縣置武始郡非改狄道爲武始也合觀晉書及魏書地形志自明有

洮水

韓璞辛巖與劉屑夾洮相持七十餘日

東川

李嵩傳嵩遠祖仲翔葬于狄道之東川因家焉

南安郡漢置前涼錄張寔遣韓璞等率步騎赴國難次南安會諸羌斷路璞與張閭等夾擊大敗之晉書

明帝大寧元年。茂將陳珍募發氐羌之衆。擊曜走之。剋復南安。領縣三。有祁山。太平御覽稱。前涼錄。張寔五年。祁山地震。從中陶原坂三里冒覆。下川忽如見掩。坂上艸木存焉。

獬道。漢舊縣。

新興。漢舊縣。

中陶。魏舊縣。

永晉郡。案郡蓋張氏置。

縣無攷。

大夏郡。太平寰宇記稱前涼錄。張駿十八年。分武始。興晉。廣武。三郡置。圖經稱十六國春秋。咸康元年。張駿以大夏郡屬河州。張軌傳。石虎令麻秋進陷大夏。大夏護軍梁式執太守宋晏。以城應秋。太和二年。天錫攻李儼。大夏武始二郡皆下之。領縣一。

大夏。太平寰宇記與郡同置。取縣西大夏水爲名。水經注稱晉書地道記曰。大夏縣有禹廟。禹所

出也。有沃干嶺。韓璞攻討秦州諸郡。進度沃干嶺。劉膺率騎三千。襲辛巖于沃干嶺。胡三省云。自涼州濟河度沃干嶺。至狄道。

武成郡。圖經前涼張氏置。張軌傳。武成太守張悛。

縣無攷。

漢中郡。漢置。前涼領縣八。

南鄭。漢舊縣。案漢中郡所統縣。前涼錄及晉書張軌傳。竝不載及。未知漢中郡地。曾全入張氏否。今縣名姑從晉志錄入。俟攷。

蒲池。晉志有。

褒中。漢舊縣。

沔陽。漢舊縣。

成固。漢舊縣。

南鄉。漢舊縣。

黃金。魏舊縣。

興道。蜀舊縣。

沙州。晉志。敦煌。晉昌。西域都護。張茂以校尉。玉門大護軍。三郡三營爲沙州。張軌傳。駿分涼州西界三郡置沙州。元和郡縣志。前涼張駿置沙州。蓋因鳴沙山爲名。流沙卽居延澤也。以西胡校尉楊宣爲刺史。後三年。宣讓州。復改爲敦煌郡。今攷敦煌郡。後又別屬。凡統舊郡可攷者二。增置郡三。都護一。縣十二。晉昌郡。晉志。元康五年。惠帝分敦煌郡之宜禾。伊吾。冥安。淵泉。廣至等五縣。分酒泉之沙頭縣。又別立會

稽新鄉。凡八縣爲晉昌郡。文選注稱王隱晉書。惠帝以敦煌土界闊遠。分立晉昌郡。張軌傳。晉昌太守郎坦。案前涼錄。軌徵九郡胄子。卽晉志所列涼州八郡及晉昌也。宜禾後屬涼興。凡領縣七。有石驢山。

寔討曹祛

于晉昌。自姑臧西踰石驢。據長寧。胡三省云。石驢山在晉昌郡界。案太平御覽。魏段龜龍涼州記。山陽縣北有谷。通得驢馬。石勒十八騎。昔在此啖梨生樹。今有梨園。今攷涼州無山陽縣。當有誤字。姑附記于此。俟攷。

伊吾。魏舊縣。

冥安。漢舊縣。

淵泉。漢舊縣。作拼泉。案前漢志作淵源。唐諱淵。改作拼。又改作深也。

廣至。漢舊縣。

沙頭。漢舊縣。

會稽。晉志。惠帝立。北史闕駟傳。父玖。位會稽令。當在前涼時。

新鄉。晉志。惠帝立。張軌傳。駿觀兵新鄉。狩于北野。因討軻沒虜。破之。

西海郡。漢置。前涼領縣可攷者一。案駿分涼州西界三郡。置沙州。除敦煌別屬外。餘一郡無可攷。今以東西道里計之。蓋卽西海也。案張駿分涼河諸州。內無西海。則西海屬沙州無疑。晉志。駿分敦煌晉昌至爲沙州。二十五字。文法不甚可解。疑有錯誤。細校之。疑敦煌晉昌四字下。脫西海二字。張軌

傳。西海太守張肅。

居延。漢舊縣。太平御覽稱前涼錄。福祿令汜禕。遷居延令。

高昌郡。張軌傳。戊己校尉趙真。不附于駿。至是駿擊擒之。以其地爲高昌郡。天錫廢太子大懷爲高昌郡公。元和郡縣志。晉成帝咸和中。張駿于高昌壁置高昌郡。案高昌郡之置。在立沙州之後。今攷呂光載記。羣議高昌在西垂。宜遣子弟鎮之。光以子覆都督玉門以西諸軍事。鎮高昌。疑高昌未置郡以前。卽玉門大護軍也。故附列此。領縣一。

田地。太平寰宇記稱顧野王輿地記。晉咸和二年。置高昌郡。立田地縣。樂史又云。晉廢漢柳中縣。并入田地縣。

祁連郡。晉志。永興中。置漢陽縣以守牧地。張玄靚改爲祁連郡。前涼錄。隆和元年。張玄靚以商州爲祁連郡。案祁連臨松二郡。均係後所立。未知何屬。姑就近附此。領縣二。

祁連。當與郡同立。前涼錄。咸和五年。駿以侯亮爲祁連令。

漢陽。晉志。永興中置。案此縣當卽屬祁連郡。

臨松郡。晉志。張天錫又別置臨松郡。太平寰宇記稱前涼錄。晉元嘉元年。張掖臨松山有石如張掖字。後掖字漸滅。而張字分明。又有文曰。初祚天下四方安萬年。案郡蓋分張掖郡。麟得縣置。領縣一。

臨松。案沮渠蒙遜載記。斬呂光臨松令并祥。則臨松又有縣。當與郡同立也。有臨松山。張掖臨松山石有金馬字

• 麟滅粗可識。而張字分明。圖經稱十六國春秋。晉永嘉四年。張掖臨松山有石如張掖字。後掖字漸滅。而張字分明。一名丹松嶺。• 張薤谷。晉書隱逸傳。郭瑀隱于臨松山薤谷。

西域都護張軌傳西域長史李柏駿使將楊宣率衆越流沙伐龜茲鄯善于是西域竝降戊己校尉

玉門大護軍

安州晉志張茂分武鄉金城西平安故爲定州案金城西平二郡張駿時又分屬涼州凡統新置郡二縣可攷者一

武鄉郡

縣無攷

安故郡圖經稱十六國春秋永昌元年張茂分安故郡屬定州胡三省通鑑注蓋張氏分西平金城二郡置前涼錄安故太守賈騫領縣一

安故漢舊縣屬隴西

商州晉志張祚又以敦煌郡爲商州凡統舊郡一增置郡二縣可攷者九

敦煌郡晉書駿擢參軍黃彬爲敦煌太守祚聞桓溫入關懼欲西保敦煌會溫還而止敦煌人宋混與弟澄等聚衆以應張瓘索襲傳張茂敦煌太守陰濟宋纖傳張祚敦煌太守楊宣通鑑天錫敦煌太守張烈領縣六有流沙

晉書張駿使楊宣越流沙伐龜茲鄯善通志流沙在沙州衛西